



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Capvt. XIII. Sacerdotes Inter Divinum Numen, & humanum genus
intercessores.

urn:nbn:de:hbz:466:1-42349

Christum a-
mans quali-
cunq; eius
sacerdotem
amant.

Qui Christum diligit, qualis tandem sacerdos sit, ipsum quoque diligit, quoniam per eum tremenda mysteria consequutus est. Dic mihi si cupidus visendi regias auro multo splendentes, & lapidum pretiosorum splendore vndique coruscantes, inuenires eum qui clauis haberet, is autem rogatus abs te confestim illas reseraret, introque te mitteret, an non illum pro omnibus honorares? an non aequè ut oculos tuos diligeres? an non adamares? Hic tibi cælum aperuit, & illum nec amplectereris? Si uxorem habes, an non eum qui illam tibi conciliauit omnium maxime amas? Ita, si Christum amas, si amas regnum cælorum, agnosce eos per quos illud habes. Quapropter dicit, propter opus ipsorum, pacem habete cum illis.

CAPUT XIII.

SACERDOTES INTER DIVINUM
Numen, & humanum genus inter-
cessores.

Sacerdos
Mediator in-
ter Deum &
homines
Sacerdos pro
cumbens an-
te Deum, o-
rans, gemens,
lacrymans,
dolens,
sacrificans
misericordiam
& veniam
impetrat.
Sacerdotii
dignitas.

§. VNT orbis totius præsertim Christiani Legati ad Deum, & Dei vicissim ad homines. Sanctus Greg. Nazianz. Apol. i. Mediatorem inter Deum & homines agere sacerdotis munus est. S. Ephrem de sacerdotio. Sacerdotium, ait, audacter e terra sursum in cælum volitans, ascendit ad Deum, donec ipsum contueatur inuisibilem; procidensque ante excelsum Thronum instanter pro seruis orat Dominum, lacrymas & gemitus conseruorum deportans, proprioque similiter Domino feruentem deprecationem, sinu! & poenitentiam offerens, misericordiam & indulgentiam à Rege misericordie postulans, ut Spiritus sanctus pariter descendat, sanctificetque dona in terris proposita: cumque oblata fuerint tremenda mysteria, macularum purificationem accipiunt. O potestas ineffabilis, qua in nobis dignata est habitare per impositionem manuum sacrorum sacerdotum! O quam magnam in se continet profunditatem formidabile, admirabile sacerdotium!

§. Hinc

§. Hinc recte Hormisdas Pontifex distinct. 61. capit. Non negamus. Emendatorem conuenit esse populo, quem necesse est orare pro populo. Sanctus Thomas 3. part. quest. 22. artic. 1. cap. Proprie officium sacerdotis est esse mediatorem inter Deum & populum, in quantum scilicet diuina populo tradit (vnde dicitur sacerdos quasi sacra dans) secundum illud Malach. 2. vers. 7. Legem requirunt ex ore eius. Et iterum, In quantum preces populi Deo offert, & pro eorum peccatis Deo aliquantiter satisfacit. Exodi 32. v. 11. 14. Leuit. 9. vers. 7. Numer. 16. vers. 47. & 48. Iudith. 4. vers. 9. 10. Ioel. 2. vers. 17. 18. Hebr. 5. vers. 1.

CAPVT XIV.

QVA SACERDOTES RATIONE

sint Angeli?

§. VNT Angeli Sacerdotes non natura, sed officio. Malachia 2. v. 7. Apoc. 2. v. 8. 12. 18. & cap. 3. v. 1. 7. 14. 1. Corinth. 11. vers. 10. Sanctus Chrysostomus homil. 2. in 2. ad Timoth. An ignoras quid sit sacerdos? Angelus vtiq; Domini est. Non ex seipso loquitur, si despicias non illum despicias, sed Deum qui illum ordinauit Sanctus Thomas 3. parte, quest. 22. art. 1. ad 1. Sacerdos in quantum est medius inter Deum & populum Angeli nomen habet.

§. Sed & vita, moribus, atque officio Angeli esse Quibus mus debent. 1. Angeli semper vident faciem patris, qui in nris sacerdotibus est. Matth. 18. vers. 10. & ipsi DEVM, in cuius conspectu assidue versantur, in oculis ferant. 2. Angeli castissimi sunt, ob quam puritatem & beati illis comparantur Matth. 22. v. 30. & illi sunt in S. ordinibus perpetuam castitatem professi. 3. Angeli non vtuntur visibili illo cibo & potu, sed diuino qui sub sensum non cadit. Tob. 12. v. 19. Et ipsi moderatissimo saltem vtantur non ad intemperantiam, sed necessitatem. 4. Angeli nihil caducum possidere cupiunt. Tob. 12. 5. Sed illorum thesaurus